



**Republika e Kosovës**  
Republika Kosova - Republic of Kosovo



**Komuna e Prishtinës**  
Opstina Pristina - Municipality of Prishtina

## KOMUNA E PRISHTINËS

### Kryetari i Komunës

01. nr. 348-93698, më 20 APR 2016

Në bazë të neneve 13 dhe 58 të Ligjit për vetëqeverisje lokale, 03/L - 040 ("Gazeta zyrtare e Republikës së Kosovës", nr. 28/15, qershor 2008) dhe të nenit 53 të Statutit të Komunës së Prishtinës, 01. nr. 110 - 391, të dt. 25.2.2010, Kryetari i Komunës së Prishtinës, më 18.4.2016, merr këtë

### VENDIM

#### **PËR UNIFIKIMIN E SHKALLËVE DHE PANOVE REKLAMUESE NË LOKALET AFARISTE PËRGJATË BULEVARDIT "DËSHMORËT E KOMBIT"**

##### **Neni 1**

1.1. Të gjitha shkallët që janë në shërbim të lokaleve afariste përdhese, të vendosura në trotuare të bulevardit "Dëshmorët e Kombit", do të jenë me dizajn të njëjtë.

1.2. Krahu i shkallëve do të jetë me gjerësi 110-120 cm, me dimensione të shkelëses me gjerësi min. b = 29 cm, me lartësi max. H=17 cm.

##### **Neni 2**

Të gjitha shkallët që janë në shërbim të lokaleve afariste në bodrume, të vendosura në trotuare të bulevardit "Dëshmorët e Kombit", do të kenë të njëjtin finalizim të dyshemesë dhe shkallëve.

##### **Neni 3**

Të gjitha reklamat në lokalet afariste duhet të vendosen në atë mënyrë, që skaji më i lartë i tyre të jetë në vijë me konstruksionin mes katesh, në mes katit përdhes dhe katit të parë, me sipërfaqe deri 0.75 m<sup>2</sup>.

##### **Neni 4**

Reklamat e bizneseve që zhvillojnë veprimtarinë e tyre në katet e mësipërme, do të vendosen në hyrje të objektit dhe do të kenë dimensionet 50x30 cm.

#### **Neni 5**

Ky vendim nuk prejudikon statusin e njësisë në aspekt të lejes së ndërtimit për ndërrim destinimi dhe nuk do të ketë efekt juridik në çfarëdo kontesti pronësor.

#### **Neni 6**

Për zbatimin e këtij vendimi do të kujdesen Drejtoria e Urbanizmit, Ndërtimit dhe Mbrojtjes së Mjedisit, Drejtoria e Shërbimeve Publike, Drejtoria e Investimeve Kapitale dhe Drejtoria e Inspeksionit.

#### **Neni 7**

Zyra për marrëdhënie me publikun do të kujdeset që pronarët e lokaleve afariste që operojnë në këto pjesë, të njoftohen për nxjerrjen e këtij vendimi.

#### **Neni 8**

**Shtojca 1** dhe **shtojca 2**, ku janë paraqitur të dhënat grafike dhe dizajni i shkallëve, janë pjesë e këtij vendimi.

#### **Neni 9**

Ky vendim hyn në fuqi në ditën e nxjerrjes së tij.

U dorëzohet:

- Drejtorisë së Urbanizmit, Ndërtimit dhe Mbrojtjes së Mjedisit,
- Drejtorisë së Shërbimeve Publike,
- Drejtorisë së Investimeve Kapitale,
- Drejtorisë së Inspeksionit,
- Zyrës për marrëdhënie me publikun, dhe
- Në dosje.

